

Izjava Foruma o bolonjskoj politici

1. Danas je zvanično pokrenut Evropski prostor visokog obrazovanja. U tom kontekstu, ističemo da bolonjski proces stvaranja i daljeg razvoja Evropskog prostora visokog obrazovanja pomaže u redefiniranju visokog obrazovanja u Evropi. Zemlje van ovog područja sada će moći efikasnije unaprjeđivati jaču saradnju sa zemljama potpisnicama bolonjskog procesa.
2. Mi, ministri visokog obrazovanja i šefovi delegacija zemalja, institucija i organizacija učesnica drugog Foruma o bolonjskoj politici, razgovarali smo o sustavnim i institucionalnim promjenama u visokom obrazovanju u društvu globalnog znanja koje se kontinuirano razvija.
3. Debatu smo usmjerili na pitanje kako sustavi i institucije visokog obrazovanja odgovaraju na sve veće izazove i brojna očekivanja, razmatrali smo mobilnost nastavnog osoblja i studenata, uključujući izazove i mogućnosti “razmjene mozgova” te balans između suradnje i konkurencije u međunarodnom kontekstu visokog obrazovanja.
4. Da bismo odgovorili na velike društvene izazove, potrebna nam je veća saradnja sustava visokog obrazovanja i istraživanja iz različitih dijelova svijeta. Poštujući autonomiju institucija visokog obrazovanja sa njihovim različitim misijama, nastaviti ćemo dijalog i angažirati se na izgradnji zajedničke prakse, iz koje će svi moći crpiti inspiraciju i kojoj će svi moći dati svoj doprinos.
5. Kako bismo olakšali političke debate i razmjenu ideja i iskustava širom evropskog prostora visokog obrazovanja te između zemalja, institucija i organizacija učesnica drugog Foruma o bolonjskoj politici, svi ćemo imenovati kontakt osobu i obavijestiti Bolonjski Sekretarijat o tome do 31. maja 2010. godine. Ove kontakt osobe će, također, djelovati kao veza za bolji protok informacija i zajedničke aktivnosti, uključujući i pripreme za sljedeći Forum o bolonjskoj politici na ministarskoj razini.
6. Pozdravljamo opredijeljenost Evropske grupe za praćenje napretka na osiguranju stručnog znanja o Bolonjskom procesu i Evropskom prostoru visokog obrazovanja.
7. Pozdravljamo inicijativu institucija i organizacija koje sudjeluju u drugom Forumu o bolonjskoj politici da promoviraju dijalog i saradnju između institucija visokog obrazovanja, nastavnog osoblja i studenata, te drugih relevantnih zainteresiranih strana širom svijeta. U tom kontekstu, posebno potvrđujemo potrebu potsticanja i unaprjeđivanja globalnog dijaloga studenata.
8. Organizacija za ekonomsku suradnju i razvoj (OECD), u septembru 2010. godine, biće domaćin međunarodne konferencije o načinu uticaja krize na visoko obrazovanje i radu vlade, institucija i ostalih zainteresiranih u pravcu održive budućnosti ovog sektora. Tokom 2011. godine biće organiziran seminar o osiguranju kvaliteta uz podršku Evropske unije.

9. Saradnja utemeljena na partnerstvu vlada, institucija visokog obrazovanja, nastavnog osoblja, studenata i otalih zainteresiranih strana predstavlja samo jezgro Evropskog prostora visokog obrazovanja. Ovaj bi se partnerski pristup, stoga, trebao odraziti na organizaciju narednog Foruma o bolonjskoj politici na ministarskom nivou, 2010. godine.